

Erindisbréf fyrir Hafnarráð Suðurnesjabæjar

1. gr.

Hafnarráð fer með málefni Suðurnesjabæjar á sviði hafnarmála eftir því sem nánar er kveðið á um í lögum og í samþykkt þessari.

2. gr.

Hafnarráð er skipað fimm fulltrúum og fimm til vara, kosnum af bæjarstjórn. Bæjarstjórn kýs formann og varaformann. Kjörtímabil þess er það sama og bæjarstjórnar. Starfsmaður ráðsins sér um að boða til fundar með rafrænu fundarboði ásamt dagskrá a.m.k. einum sólarhring fyrir fund. Geti aðalfulltrúi í ráðinu ekki mætt til boðaðs fundar skal hann tilkynna um forföll til starfsmanns ráðsins eins fljótt og auðið er og óska eftir því að varamaður verði boðaður í sinn stað.

Ráðið skal halda gerðabók og skulu fundargerðir þess sendar bæjarstjórn til staðfestingar. Fundir skulu haldnir að jafnaði einu sinni í mánuði eða eins oft og þurfa þykir en þó innan fjárheimilda ráðsins. Boða skal til fundar ef meirihluti nefndarmanna fer fram á slíkt Fulltrúar í hafnarráði skulu gæta þagmælsku um einkamálefni fólks sem fjallað er um á fundum ráðsins. Fulltrúi skal víkja af fundi, og er heimilt að kalla til varamann, tengist hann einstaklingum eða málum sem fjallað er um í ráðinu, þannig að spillt geti óhlutdrægni hans og valdið tortryggni.

3. gr.

Hlutverk hafnarráðs er:

- að gera tillögur til bæjarstjórnar um stefnu í hafnarmálum og hafa eftirlit með að stefna bæjaryfirvalda á hverjum tíma sé haldin.
- að hafa forræði á hafnarmálum í bæjarfélaginu í samræmi við gildandi lög og reglugerðir hverju sinni.
- að gera tillögur um úrbætur og hvað eina sem betur má fara í starfsemi hafnarinnar.
- að fylgjast með rekstri, umhirðu og uppbyggingu hafnarinnar, lóða og opinna svæða sem heyra undir starfssvið ráðsins. Undir ráðið heyra öll hafnarmannvirki, hafnarhús og hafnarsvæði samkvæmt skipulagi.
- að gera tillögu til bæjarstjórnar er varða skipulagsmál á hafnarsvæðinu og skulu öll mál er varða byggingarframkvæmdir á hafnarsvæðinu hljóta umfjöllun ráðsins áður en þau eru tekin til afgreiðslu í bæjarstjórn.
- að leggja mat á þá þjónustu sem veitt er á vegum sveitarfélagsins í hafnarmálum með tölulegum upplýsingum og könnunum á meðal bæjarbúa og þjónustuþega. Einnig að fjalla um þær kvartanir sem berast vegna þjónustunnar.



- að fara yfir tillögur forstöðumanna að fjárhagsáætlun hvers árs hvað varðar þá liði sem falla undir verksvið ráðsins og gæta þess í ákvörðunum sínum að halda áætlanir þegar að framkvæmdum kemur.
- að vera bæjarstjórn að öðru leyti til ráðuneytis í skipulags- og umhverfismálum hafnarsvæðisins.

4. gr.

Verkefni hafnarráðs eru:

- að fara með verkefni samkvæmt hafnarlögum og samþykktum bæjarstjórnar og fylgjast með að ákvæði þeirra séu haldin.
- að fylgja eftir stefnu bæjarstjórnar í hafnarmálum.
- Að gera tillögur um úrbætur og það sem betur má fara í starfsemi hafnarinnar, tillögur til bæjarstjórnar um stefnu í hafnarmálum sem og tillögur er varða skipulagsmál á hafnarsvæðinu.
- Að fylgjast með rekstri, umhirðu og uppbyggingu hafnarinnar, lóða og opinna svæða.
- Útgáfu leyfisveitinga til starfsemi á hafnarsvæðinu sem og heimild til að banna eða takmarka afnot hafnarsvæðisins.
- Að fylgja eftir rekstri hafnarinnar, svo sem ráðstöfun á aðstöðu.
- að vinna að öðrum þeim verkefnum sem bæjarstjórn felur ráðinu á hverjum tíma.

5. gr.

Hafnarstjóri situr fundi ráðsins með málfrelsi og tillögurétt. Hann er ráðgjafi ráðsins og sér um ritun fundargerða, nema ráðið ákveði annað. Hann undirbýr fundi í samstarfi við formann og framkvæmir ákvarðanir ráðsins eftir að bæjarstjórn hefur staðfest þær.

Um starfsmannamál fer eftir starfsmannastefnu sveitarfélagsins.

6. gr.

Séu ákvæði í lögum eða samstarfssamningum um seturétt aðila utan ráðsins, þegar um mál þeim tengd er fjallað, skal þess gætt að þau ákvæði séu uppfyllt.

Ráðið skal gæta ákvæða stjórnsýslulaga við meðferð mála

Sett með heimild hafnarlögum nr. 61/2003, hafnarreglugerð Sandgerðishafnar og 44. gr. samþykktu um stjórn Suðurnesjabæjar nr. 450/2018 með síðari breytingum.

Samþykkt á 32. fundi bæjarstjórnar Suðurnesjabæjar þann 3. febrúar 2021.

